



Vita de ploania y de paisc

- **Caritas:** le grup Caritas d'La Pli arjigna ca la gran messa da **en domegna ai 19 de merz**, co gnará abelida dal grup dai jogn dla cor d'La Pli. Do messa é düc enviés a en picio renfresch te plaza o – da bor tomp – te Ciasa dles Uniuns. La Caritas enformeia sôn sôes ativités y iniziatives. Al sará ince atló na rapresentanza dla Caritas da Bornech. Al ven ince motü sô na scatora por **spenores de bona man: iolan!**

1 Enformaziuns y termins

I grups dai Ministranc y dles Schires Joniles dla Val Badia, adöm con le grup dles families dl'Unité Pastoral y le Sorvisc ai Jogn, organiseia **en sabeda, ai 25 de merz** na prozesciun da San Linert a Oies, dertan chera che al gnará dit les Staziuns, portades dant dai mituns y mitans dai paisc dla valada. An peia ia ales 14:45 dala calogna de San Linert demez, por roé a Oies a tó pert ala messa dles 16:00. Dedo aorela cörta y picio buffet. Düc canç, dandadöt families con mituns, é der bel enviés da tó pert.

Conzert: le „Vinzentiner Knabenchor“, sot ala direziun de Andrea Tasser, ves envieia de cör al concert de carsema dal titol: „Ein Lied von der Größe des Herrn“ en domegna ai 26 de merz, ales 18:00 te dljia de Badia.

Museum Ladin Ciastel de Tor/1: le Museum chir personal:

1 post por le sorvisc da puzené, 15 ores al'edema dal 11.04.2023 ai 30.11.2023, termo por les domandes 20.03.2023.

2 posc por le sorvisc tl bar, 25 ores al'edema; dal dedolönesc ala domegna, dal 24.04.2023 ai 28.11.2023, termo por les domandes 23.03.2023.

1 post por les sorvisc de cassa/assistenza de secretariat 24 ores al'edema, dal 02.05.2023 al 05.11.2023, termo por les domandes 31.03.2023

Por informaziuns plü monüdes scrí a info@museumladin.it, ☎ 0474 524020. Mené les domandes con curriculum vitae a info@museumladin.it o les dé jö personalmonter tal Museum Ladin, Str. Tor 65, 39030 San Martin de Tor.

"Cörs dla Val Badia" vá a piz: stimada comunité, cun cöst'edema é ofizialmonter jü a piz le proiet "Cörs dla Val Badia", co á metü man dan 2 agn por se daidé fora tla ria situaziun dal Covid. Te cösc tomp án podü daidé passa 150 families con speisa y 43 families con sosten finanziar. Sen che le Covid é passé y che al é por düc da laur assá, á le grup de laur tut la dezijiun da slü jö le proiet. Porchel vegnel perié da ne fá nia plü spenores sôn le cunt. N iolan ti vá a dötes les porones co á contribuí de val' vers, cumprenn ete speisa, fajenn spenores, o zonza con val' sorvisc. Iolan de cör.

Ocio: le dotur Edo Agreiter sará demez dai 27 ai 29 de merz. Al ven sostitüí dala doturia Grete Mahlknecht 349 0667034.

Döt le bun a:	Anna Kier Erlacher	* 19.03.1938
	Benedetto Fiung	* 20.03.1929
	Jep Ploner, <i>Weinstadt</i>	* 21.03.1948
	Maria Gabriella Willeit Rindler	* 22.03.1933
	y a düc chi co á santennom y complesc i agn cöst'edema	

Impressum: Ploania d'La Pli; redaziun Franz Rigo y Edith Willeit
Comunicaziuns: **cina le dedemesaledema** sera a Franz Rigo, ☎ 347 2310129 o ✉ ploania@gmx.net
Download plata: www.unitepastorala.org



Plata dla Ploania La Pli de Mareo Santa Maria dal Bun Consei

Ploan: Signor Klaus Sottsas
✉ klsottsas@rolmail.net

Calogna Al Plan: ☎ 0474 501006
Radio de Ploania: 93,00 MhZ

UNITÉ PASTORALA



VAL BADIA

www.unitepastorala.org

Ann A 19.03.2023 - Cuarta domegna de Carsema "Laetare" n. 17

Al dij le Signur: lu sun la löm dal monn. Chel co me ven do, ará la löm dla vita.

(aclamaziun dan le Vangelo)

1 Sam 16, 1b.6–7.10–13b | Ef 5, 8–14 | Jan 9, 1–41

Tla pröma letöra de cösta domegna nes recorda le profet Samuel che Chel Bel Dio ne ciara nia ala parüda dla porsona, na cossa sôn chera che nos ciarun demassa. El ciara tal cör (1ª letöra). Tal vangelo nes vegnel cunté desche Gejú ti á dé la odüda a n jonn co ea nasciü verc. Lapró ti ál de da capí ai farisei che ei é verc ince sc'ai veiga. Con la fede nes á le Signur ince daorí a nos i edli, nes menenn fora dal scür sôn le tru dal mominus. Porchel nes amonesc san Paul te sôa letera ai Efejins a nia plü fá empara pa operes dal mal, mo a "vire desco fis dal lominus" (2ª letöra). da "Bibia di Sandís"

Dal Vangelo do San Jan:

¹Jenn por tru, á Gejú odü n el co ea verc da so nadé ensö.
²Danló l'á sù discepuí damané: Rabbi, che á pa fat picé? El enstes? O á sù geniturs fat picé, ch'al é nasciü verc? ³Gejú á respognü: No sù geniturs, no el n'á fat picé, mo l'opra de Dio dess gní manifestada pa d'el. [...] al á spödé ia por tera; spo ál fat con la spöda na pasta, ti l'á sferiada al verc söi edli ⁷y ti á dit: Va y láete tal le de Scíloa; Scíloa ô dí: L'Anunziadú. L'el é jü y s'á laé. Y canch'al ea endö gnü, odél. ⁸I vijins y d'atri, che l'á odü denant da petler, dijea: Ne n'é nia cösc chel co stea sonté a petlé? ⁹Valgügn dijea: Al é chel. D'atri minâ: Al ti someia ma. Mo el enstes dijea: I sun chel. [...] ¹³Danló á condüt chel el, co ea sté verc, dai farisês. ¹⁴Al ea endere sábat en chel de che Gejú á fat la pasta y ti á daurí i edli. ¹⁵Ince i farisês l'á damané, cô mai ch'al odea endô. L'el ti á respognü: Al m'á motü na pasta söi edli; spo m'ái laé y sen veighi. ¹⁶Valgügn farisês minâ: Cösc chescian ne sciafia nia da gní da l'Idio, deach'al ne ten nia le sábat. Mo d'atri dijea: Cô pó pa n piciadú fá de te' segns? Ensciö él salté fora na despartiziu danter ei. ¹⁷Spo ái ciamó n iade damané le verc: Ci nen díjeste pa enstes de d'el? Al á pö daurí tū edli. L'el á respognü: Al é n profet. [...]



L'el é jü y s'á laé.
Y canch'al ea endö gnü,
odél.
Jan 9, 7

Letôres dla Cuinta domegna de Carsema:
Ez 37, 12b–14 | Rom 8, 8–11 | Jan 11, 1–45

Edema liturgica dai 19.03. ai 26.03.2023

DOM 19.	Cuarta domegna de Carsema "Laetare"	<i>De dal Seminar Ojep</i>
06:30	<i>gran messa a Al Plan</i>	
09:30	corona: por nüsc seminarisc y do vocaziuns	
10:00	gran messa por dōta la ploania	♫ <i>Jogn dal cor</i>
	s.m. dal ann por † Maria Rindler ved. Daverda, Corterei	
	s.m. de ringraziament dla vita por Jep Trebo	
	s.m. de ringraziament dla vita por Gabriela Willeit Rindler	
	s.m. por les families Palfrader, Col	
	s.m. por i †† de Bolser → <i>oferta por le Kassian-Tschiederer-Werk</i>	
Lön 20.	GRAN FESTA DE SANT OJEP OM DE SANTA MARIA , festa dai peri Irmgard, Claudia	
→ 19:00	pissia da Pasca por la Joneza y s.m. en onú de Sant Ojep con sig. con Matthias Kuppelwieser y sig. Klaus	
Ded 21.	<i>Christian, Benedet, Emilie</i>	
07:30	<i>s.m. a Antermeia</i>	
Dem 22.	<i>Lea, beat Clemens August, Elmar</i>	
Jöb 23.	<i>Turibio Mongrovejo, Rebeca</i>	
07:30	<i>s.m. a Rina</i>	
→ 19:30	Les Staziuns con la Joneza	
Ven 24.	<i>Elias, Oscar Romero, Caterina, Simon</i>	
07:20	<i>s.m. a Al Plan</i> → <i>astinonza dla cern</i>	
Sab 25.	GRAN FESTA DL'ANUNZIAZIUN DAL SIGNUR , Annunziata	
07:30	s.m. en onú de santa Maria dal Bun Consei	
	s.m. por † Hedwig Willeit Miribung, Cianacei	
	s.m. por + Anna Erardi ved. Zunino, Marô/Pietra ligure	
18:00	<i>s.m. prefestia a Al Plan</i>	
DOM 26.	Cuinta domegna de Carsema	<i>Luidger, Larissa (Lara), Tecla</i>
06:30	gran messa por dōta la ploania	
ora da disté!	s.m. por † Carlo Kehrer, Tisler/Monza	
	s.m. por † Carlo Kehrer, Mone	
10:00	<i>gran messa a Al Plan</i>	
→ 19:30	Via Crucis, con grups y uniuns	
<i>ampola:</i>	do intenziun de na familia	
<i>ministronc:</i>	<ul style="list-style-type: none"> • lönesc y sabeda: Erich y Judith • domegna: Marco y Jacklyn, Roman y Matteo 	
<i>i recordun:</i>	Carlo Kehrer, Monza † 23.03.2020	

Sön la strada dal lominus

I ponsun do:

Al é na vercité co ne ven nia dai edli mo dal cör. Ara fej ch'i odunse ma le slet dai atri y nia nüsc fai. Cösta vercité ne se lascia gnanca odei che d'atri á debojügn d'aiüt. La vercité dal cör é piec co chera dai edli, deache con le temp s'amara dōta la porsona. Gejú ó se daurí nia ma i edli mo ince le cör.

I periun:

Bel Dio, tö as mené to Fi desco löm dal monn. Daür nüsc edli y nüsc cörs a söa vijinanza co varenc, y fá ch'i odunse ince i debojügn dles porsones encer nos ia. Por Gejú Crist, nosc Signur.
Vesco Wilhelm Egger "Sonntagsbibel"

4. Fastensonntag

Denn einst wart ihr Finsternis, jetzt aber seid ihr Licht im Herrn. Lebt als Kinder des Lichts! Denn das Licht bringt lauter Güte, Gerechtigkeit und Wahrheit hervor.
 Epheser 5, 8-9

**Ich bin ein Kind des Lichtes.
 Das Licht Gottes erhellt mein Leben.
 Wie lebe ich aus diesem Licht und wie gebe ich es weiter?**

I simboi cristiagn cuntés ai mituns (10)



La crusc

La crusc é le segno plü emportant por i cristiagn. Ince trepes dljies é fates a forma de crusc. La jont se taca na crusc (en Crist) encer le col y te vigne dljia ésera tacada sö. Con le segn dla crusc metunse man la Santa Messa y ince canch'i periun se fajunse le segn dla crusc. Con cösc mostrunse che i aldiun pa Gejú. Deache la crusc se recorda la cossa plü emportanta de nosta fede: la pasciun y la mort de Gejú. I regnanc de söa tera n'ea nia a öna con ci che Gejú pordicâ de Chel Bel Dio y con ci ch'al fajea. Ai l'â dé dant y condané a mort. Defora dai mürs dla ciüté de Ierusalem, sön le Golgota, é Gejú gnü motü söla crusc y é mort. La mort de Gejú é stada der crödia. Mo ara n'é nia stada la fin. Le terzo de do söa mort êl sozedü le miraco: Chel Bel Dio á ressuscité Gejú. Ai ti á dé la vita nea.

Da Chel Bel Dio ala jont

La crusc é motüda adöm da döes trés. La tré verticala – dla tera sö al ci – se mostra che la mort de Gejú söla crusc lieia la jont con Chel Bel Dio. La tre orizzontala se recorda che düc chi co confida te Gejú forma na comunité. Ai sá che ince ei mess morí, mo con Gejú confidai che la mort ne i despartesc nia dal amur de Chel Bel Dio y che ai poi endô rosserí a vita nea te so Regn. Porchel n'é la crusc nia ma en segno de pasciun y mort, mo ince de speranza.